



Qeqqata Kommunia

# 2023-mut ukiumut pilersaarusiaq

Akuleriisillugu Meeqqerivik Nuniaffik

Meeqqeriviup pisortaa: Johanne Davidsen  
Tullersorti: Elna Mathiasen

Aadammiq Aqq. 4A  
Oqarasuaat: 866425  
Email: [Nuniaffiksisimiut@qeqqata.gl](mailto:Nuniaffiksisimiut@qeqqata.gl)





## IMARISAA

<b>IMARISAA</b> .....	<b>2</b>
<b>Meeqqeriviit ukiumut pilersaarusiaannut piumasaqaatit</b> .....	<b>3</b>
<b>1. Perorsaaanermi ukiumoortumik pilersaarut:</b> .....	<b>4</b>
1.1 Meeqqeriviup ilisaritinnera .....	4
1.2 Meeqqeriviup anguniagai naleqartitatullu tunngaviit.....	5
1.3 Perorsaaanermi anguniakkat .....	5
1.4 Meeqqat pisariaqartitaat.....	5
1.5 Meeqqerivimmi kulturimut perorsaanermilu najoqqutassat .....	6
<b>2. Ukiumoortumik pilersaarutaanikup nalilersorneqarnera</b> .....	<b>7</b>
2.1 Meeqqat.....	7
2.2 Angajoqqaat/pisortat .....	7
2.3 Sulisut .....	8
<b>3. Ukiumut nutaamut pilersaarutit</b> .....	<b>9</b>
3.1 Meeqqanut ileqqunik sammisassanillu ukiumut pilersaarut.....	9
3.2 Angajoqqaanik suleqateqarneq .....	11
3.3 Sulisut suleqatigiinnerat.....	11
3.4 Ukiuni aggersuni suliniuteqarfissat .....	11



## Meeqqeriviit ukiumut pilersaarussiaannut piumasaqaatit

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersoq naapertorlugu meeqqeriviit ukiumoortumik pilersaarusiortarnissaat piumasaqaataavoq (takuuk §5, imm. 2,2). Ukiumut pilersaarusiamik suliaqarnissamut meeqqerivinni ataasiakkaani pisortat akisussaasuupput (takuuk § 16 imm. 2).

Ukiumoortumik pilersaarusiortnermi atuisut ataatsimoorfiat tassa, pilersuisut sulisullu peqataatinneqassapput (jf §21, stk 2,2).

Ukiumoortumik pilersaarusiame meeqqeriviup anguniagai, taamatullu ukiumi nutaami meeqqanik nakkutiginninnerup, sammisaqartitsinerit pilersaarutillu naliliivigineqarneri ilaatigut saqqummiunneqassallutik.

**Ukiumoortumik pilersaarusiaq kingusinnerpaamik novembarip 30-ani Ilinniartitaanermut immikkoortortamut nassiunneqassaaq.**



## 1. Perorsaanermi ukiumoortumik pilersaarut:

### 1.1 Meeqqueriviup ilisaritinnera

#### Paasissutissat nalinginnaasut

- Akuleriisillugu Meeqquerivik Nuniaffik
- Aadammip Aqq. 4A
- Oqarasuaat: 866425, Email: nuniaffiksisimiut@qeqqata.gl
- Ammasarfiit: Ullut tamaasa Nal. 06:45 – 17:00
- Illoqarfiup kujasissortaani meeqqerivik inissisimavoq
- Meeqqerivik atulerpoq 1. November 1996, ukiut 26-nngortorsioqqammerpai



#### Inissaqartitsineq atortussallu

- Meeraaqqeriviup immikkoortortaani meeqqanut 24-nut inissaateqarpugut. Ukioqatigiiaallugit ininut marlunnut avitaapput 0-1½-nik ukiulinni meeqqat 12-it, 1½-3-nillu ukiulinni aamma 12-it. Meeqqeriviup immikkoortortaani meeqqanut 38-nut inissaateqarpugut, aamma ukioqatigiiaanut ininut marlunnut avitaallutik 3-4½-nik ukiulinni meeqqat 18-it, 4½-6-nillu ukiulinni 20-it.
- Aaliangersimasumik sulisut katillugit 15-upput, init tamarmik 3-nik sulisoqarput taakkua saniatigut pisortaq, eqqiaasoq, ullormullu nalunaaquttap akunneranut marlunnut erruisoq. Sulisut agguataarlugit inuttalersugaapput init tamarmik perorsaasumik, perorsaanermik ilinniarsimasoq, perorsaanermilu ikiortimik sulisoqartussatut inissitaallutik. Taakkua saniatigut perorsaasutut perorsaanermillu ilinniartunut meeqqallu atuarfianiit suliffimmik misiliisoqartarpoq. Taakkuli saniatigut aamma majoriaminngaanniit suliffimmi piginnaannngorsartunik sulisoqarsinnaasarpog vikarkops-imillu ataatsimik sulisoqarluni.
- Pinnguarterfik nunatsinni pinngortitatsinnut tulluurtuuvoq. Inersuaqarpoq amerlasuunut ataatsimoorfittut atorluarneqartartumik. Innorluutilinnut immikkut inimik pisariaqartitsisoqartillugu inimik ataatsimik peqarpoq.



## 1.2 Meeqqeriviup anguniagai naleqartitatullu tunngaviit

- Pingaarnertut Inatsisartut inatsisissatut siunnersuutaat nr. 16, 3. december 2012 §1-§3 aammalu Qeqqata Kommuniani perorsaaniikkut ataatsimoorussamik anguniarneqartut aallaavigalugit sulisoqarpoq.
- Angerlarsimaffimmut tapertatut sulinermi anguniarneqarpoq meeraq toqqissilluni, ineriartornermini killiffini aallaavigalugu pingaarnertut sassarsinnaaneq, imminut naleqartittutut imminullu tatigisutut misigisunnortinnissaa. Taakkua saniatigut aamma anguniarneqarpoq meeqqap ajornartorsiutinik nammineq aaqqiiniansinnaanngornissaa, nammineersinaanngorsaaneq nerinermi, eqqiluisaarnermi, perusersarnermi atisalersornermilu.
- Naleqartitatta ilagaat kalaallit piorsarsimassutsikkut kinaassutsitta nukittorsarnissaa, meeqqallu pinngortitamut inuuuffigisaanut tulluarsarnissaa. Meeraq namminiussuseqarluni qanorluunnit upperisaqaraluaruni tikilluaqqusaasutut misigitinneqarnissaa naleqartitanut ilaavoq.

## 1.3 Perorsaanermi anguniakkat

- Aaliangersimasumik sammisaqartillugit saqqummersitsinemik naggaserneqartarput, meeqqap nammineq qulequttami ilikkarsimasani oqaluttuarisinnaanngortinnissai anguniarlugu. Meeqqat aaqqiagiinngitsillugit oqaasertalersuinermit kaammattuineq ingerlanneqartarpoq, ilaatigut Kammagiitta sakkutut atorneratigut. Upperisaq aallaavigalugu ileqqut atorunnaarlugit kalaallit kinaassutsitta nukittorsarnissaa pingaartillugu aallunneqalernikuuvoq.
- Nutaanik sulisoqalernikuuneratigut tunngaviit arfineq marluk aallaavigalugit sammisaqarneq aallarteqqinnissaa suliniutigineqarpoq.
- Isumaalunnermut uuttuut qaammatikkaartumik meeqqat tamarmik ilanngullugit immersorneqartarpoq, taakkulu aallaavigalugit angajoqqaat suleqatigalugit meeqqerivimmi angerlarsimaffimmi ineriartortitsineq ingerlanneqartarpoq.

## 1.4 Meeqqat pisariaqartitaat

- Naalungiarsunnut meeqqaniittaleqqaarneq toqqissisimasumik tunngaviumik pisariaqartitaannik tunguinermit ingerlanissaa pisariaqartittarpaat. Meeqqerivimmiilernermit atualernissap tungaanut piareersaatit aallartittarput. Meeqqerivimmut nuunnissamut piareersarnermi pisariaqartittarpaa atisalersornermi atisaajarnermi nerinermi oqaasertalersuinermilu nammineersinnaajartornissaq kaammattorneqarnissarlu. Taamatuttaaq nangeerukkiartornermi perusersarnermik eqqiluisaarnermillu ilinniartinneqarnissani pisariaqartippaa. Meeqqerivimmut nooqqaarnermi nammineersinnaaneq annerusumik ineriartortinnerani kaammattorneqarneq ilitserorneqarnerlu pisariaqartittarpaat. Angajullerni ineriartornermut tullinnguuttumut tassa atualernissamut piareersaatit sukumiinerusut aallartittarput. Pisariaqartittarpaallu unaminartut eqqarsarnartullu sammisallugit. Meeraq eqqarsartaatsikkut innorluuteqartoq ullup ilaa inimi kisimi tapersersortiminik peqatigineqarnissani pisariaqartittarpaa, allanik marlunnik tapersersortilinnik meeraateqarpugut, meeqqap aappaata pingajuatalu ullup ilaa tapersersortinilu kisimiinnissani pisariaqartittarpaat.



## 1.5 Meeqqerivimmi kulturimut perorsaanermilu najoqqutassat

### Meeqqeriviup kulturia ilisarnaataalu

- Sulisut qanoq inissisimaneri aallaaviginagit naligiimmik suleriuseqarneq.
- Meeqqamut qanigisaasut peqataatittarneri
- Meeqqap ineriartornermini killiffii aallaavigalugit suleriuseqarneq
- Sullitanut qanigisaanullu suleqatinullu inussiarnersuuneq qanilaartuunerlu
- Piorsarsimassutsikkut kinaassuseq meeqqallu namminneq kinaassusaat ineriartornermilu killiffia aallaagivalugu suleriuseqarneq.

### Perorsaanikkut najoqqutassat / malittarisassat

Meeqqeriviup najoqqutassai malittarisassailu:

- Iloqqasunngorneq, kinaassutsimik ilinniartarneri tusarnaarsinnanermik ilinniarneg oqaloqatigiissinnaalernissaq peqateqarneq aaqqiagiinnginnermik iliuuseqarneq. Erinarsornermik naggasiineq, meeqqat oqaasertaartornerannut ikorfartuutaasut.
- Meeraq 09:00 meeqqerivimmukareersimanissaa kaammattuutaavoq, pingaarutilimmik pisassaqsarmanngikkuni, soorlu nakorsiarluni kigutileriffiilarluni allatulluunniit pingaarutilimmik pisassaqarluni.
- Meeraaq qerivimmi nal. 10:30 aamma 13:30 nerisarput  
Meeqqerivimmi nal. 11:00 aamma 14:00 nerisarput
- Meeraaq qat pisariaqartitartik aallaavigalugu sinittarput, angineruleraangata ca. 11:30 imal. 12:00 sinittarput. Anginerni nal. 12:00 miss. meeqqat tamarmik eqqissisimaartarput, sininnissamik pisariaqartitsisut sinilersinnaasarlutik.
- Sapinngisamik ullut tamaasa ullaap tungaa aneernissamut pisuttuarnissamut periarfissaqartassapput, aammali ualikkut aneernernissamut periarfissaqartarput.
- Meeqqanilertussat meeqqeriviit allaffianiit nalunaarutigineqartut ininut ingerlateqqinneqartarput.
- Nal. 09:00 nallertinnagu meeraq napparsimappat fri-ssappalluunniit nalunaarutigineqartassaaq.  
Nakorsaaneqarfiup nappaatinut tuniluuttunut maleruagassiaa malinneqarput.
- Atisassamaatit nangissamaatillu angajoqqaat namminneq akisussaaffigaat, taamatullu aamma taakkua meeqqerivimmi piginissaat angajoqqaat eqqumaffigissavaat.
- Init tamarmik immikkut I-pad-eqarput, meeqqanoortut init paarlagaiaallutik atortarpaat. Paarnakkormiut tallimanngornermi, Kimmernat marlungornikkut, Aningaat ataasinngornikkut. Rosigne I-pad-inik nakkutilliisuvoq.
- Pisariaqarpoq meeqqat inaata silataanni tavlet angajoqqaat nakkutigisarnissaat, paasissutissanik assigiinngitsumik ilisisoqartarmat.





## 2. Ukiumoortumik pilersaarutaanikup nalilersorneqarnera

Ukiutum kingullermut eqikkaaneq:

- Ukioq 2022-mi qaammatini siullerni suliniutissatut pilersaarutaasut annertuumik covid-19 peqqutigalugu naammassineqarnissai killeqarnikuupput, taassuma kingornatigut sulisoqarnikkut annertuumik unammillernartumiippugut. Sulisut arlallit taarseraannerinut nutaat arlallit ilisimasassaannik tuniorarneqarnissaannut piffissaalatsinikuuneq aallaqqaataaneernissamut nukissaalatsineq, sulisut nutaat ilisimasassaminnik amigaateqassutiginiuuat.
- Ulluinnarni meeqqat ineriartornerminni nalinginnaasumik pisariaqartitaat sapinngisamik aallaavigalugit ineriartortitsineq ingerlanikuuvoq.
- Aaliangersimasumik qulequtaqarluni sammisaqarnerit amerlanerit iluatsinngillat, ilaatigut covid-19 peqqutaalluni aammali sulisut taarseraannerat peqqutaalluni.
- Ukiarli periarfissanik allanik ujartuisarnermut atorneqarmat annertuumik allatut eqqarsarsinnaanermik aamma ilinniarfiuvoq.

### 2.1 Meeqqat

Ukiutum kingullermut eqikkaaneq:

- Meeqqat kaammattugassat sapinngisamik ineriartortinneqarput, taamatullu ulluinnarni ineriartortitsineq soorlu peqateqarneq, aalaatsit, nammineersinnaanermik ilinniarneq ass. Ingerlanneqarput. MIIM 3 & MIIM 5 meeqqallu mape-at sulisunit immersorneqartarneri aalaakkaasumik ingerlammata iluatsittutut isigaagut.
- Atualertussat ornittakkanut nuujaarnerat, meeqqat inimut tullermut nuuttarneri siusinnerulaartariaqarnikummat, ukiuinut suleriutsikkut aammalu piffissamik atuinnermut tulluussarneq annertoq atorneqarnikuuvoq.
- Oktober naaneranut qaammatini 10-ni meeqqat takkuttartut agguaqatigiisillugit 62,1%, napparsimallutik takkutinngitsut 8,9% fri/ferie-tut 29%.

### 2.2 Angajoqqaat/pisortat

Ukiutum kingullermut eqikkaaneq:

- Ukioq 2022-mut pilersaarutit arlallit angajoqqaaniit ingerlanneqartussat piviusunngunngitsoorput, sulisut angajoqqaallu eqqumaffinnginninnerannit peqquteqarsinnaavoq, ukiulli allaartinnerani covid-19 peqqutaanikuusoq ilisimavarput.
- Meeqqat ineriartornerminni killiffii aallaavigalugit oqaloqatiginninnerit aalaakkaapput, taamaattoq ilaatigut kinguartitsisariaqartarpugut, sulisoqarnermi unaminartut peqqutaallutik.
- Ukiutum pilersaarutit nutaanut ersinngippallaarnera peqqutigalugu isertunut tunniunneqartarnera aallunneqarnerusariaqarpoq.
- Ukiup naajartulernerani sulisut taarseraappallaarunnaarneri angajoqqaanit toqqissisimanarineqarpoq, ukiullu aallartinneraniit sulisimasut amigartaraluarlutik sulilluarnerat qujamasuutigineqarluni.



## 2.3 Sulisut

Ukiumut kingullermut eqikkaaneq:

- Upernaaq suleqatigiit InuaSila-mik pikkorissarnikuunermik malitseqartitsipput.
- IsA-miit Majimi meeqqerivinni pisortat tullersortillu naapeqatigiisinneqarput, qulequttallu ukiap ingerlanerani meeqqeriviit naapinnerminni sammineqartarput.
- Qaammatikkaartumik suliniutit ilaasa pikkorissaaneri, sulisutigut aporfissaqanngikkaangat peqataaffigineqartarput.
- Maaji aallartinneraniit annertuumik sulisussaqaarniarnikkut ilungersunartorsiornerit suliassarpasuit qaavatigut sulisut amigaatigineqartut suliassaat ilanngullugit tigooraneqarput, tamakkulu peqqutaallutik ineriartortitsinikkut suliassat ilaat illikkartittariaqarnikuusut, ukiulli naajartornerani sulisut aalaakkaaleriartorput.



### 3. Ukiumut nutaamut pilersaarutit

#### 3.1 Meeqqanut ileqqunik sammisassanillu ukiumut pilersaarut

Januar	Februar	Marts	April	Maj	Juni
<p>Sammisaq: Aput Jan+Feb Akissus: Elna &amp; Eva</p> <p>14. Ukiortaarsiortitsineq (Gerda)</p> <p>18. Scene ammasoq Sammisaq: Piviusorpalaartitsineq</p>	<p>23. Saqqummersitsineq Aput + Piviusorpalaartut</p> <p>15. Scene ammasoq</p> <p>11. Anaalerisitsineq (Sandra &amp; Johan) 19. Anaalerititsineq (Pipaluk)</p>	<p>Sammisaq: Avis-it atorlugit sammisaqarneq Akiss: Elna &amp; Eva</p> <p>15. Scene ammasoq</p> <p>25. Qiortaatitsineq (Jakobine)</p>	<p>12. Sisoqqatsitsineq Akiss: Najaaraq &amp; Camilla 27. Saqqummersitsineq</p> <p>19. Scene ammasoq</p> <p>22. Apummik sammisaqarneq (Pipaluk) Nivaqatigiinneq Grill- erineq (Karoline &amp; Sara)</p>	<p>Timi aalanerlu Akiss: Najaaraq &amp; Camilla</p> <p>12. Ang. Ataats. Ukiumut pilersaarummut killiffissiorneq (Gerda &amp; Malik)</p> <p>24. Scene ammasoq</p>	<p>1. Meeqqat ulluat</p> <p>14. Suliffeqarfinnut pulaarneq</p> <p>16. Grill-erineq (Rosannguaq &amp; Aqqalu)</p> <p>Assassorneq Akiss: Rosigne &amp; Sandra 29. Saqqummersitsineq</p>

Juli	August	September	Oktober	November	December
<p>Sammisaq: Kalattoorneq Akiss: Eva &amp; Rosigne 27. Takutitsineq</p> <p>19. Nunaliarneq</p>	<p>Sammisaq: Uumasut Akiss: Rosigne &amp; Najaaraq</p> <p>23. Meeqquerivinnut allanut pulaarneq</p>	<p>Uge 36 Nunatarneq/Nunianneq 28. Saqqummersitsineq</p> <p>13. Nerisassiorneq</p>	<p>Iffiorneq</p> <p>18. Angajoqqaat ulluat</p>	<p>1. Nuniaffik 27 år Erinarsorneq / Nipilersorneq Akiss: Najaaraq &amp; Camilla</p> <p>23. Kaageeraliorneq</p> <p>Tigoqqaanneq (Rosannguaq &amp; Gerda)</p>	<p>13. Santa Lucia Paarnat</p> <p>13. Sansevæg</p> <p>29. Orpiliarneq vugg-imi tunioraanneq (Rosannguaq &amp; Gerda) + (Sandra)</p>

Sapaatip akunneranut pisartut	Qaammammut pisartut	Qaammatit pingasukkaarlugit pisartut
Pingasunngornikkut sulisut aalasarnerat I-Pad-erneq inini ullut aaliangersimasut Tallimangorneq meeqqat aalasarnerat Aneerneq / Pisuttuarneq	Inini aqutsisut naapittarneq (Suliffiup nalaani) Inini suleqatigiit ataatsimiittarnerat Suleqatigiit ataatsimiittarnerat Meeqqap ineriartornera pillugu oqaloqatigiinneq	Atuisunik ataatsimoortitsineq

### 3.2 Angajoqqaanik suleqateqarneq

- Ukiumut marloriarlutik meeqqap ineriartornera pillugu angajooqqaanik oqaloqatiginnittoqartarpoq, qaammammi inuissiorfissaani qaammamilu affaliiffissaani.
- Attaveqatigiinneq iluatsittutut ingerlasarpoq meeqqamut tunngatilugu, pisariaqartillugu periarfissaajuaannarmat naapinnissaq.
- Ukiumut pingasoriarlutik atuisut ataatsimeeqatigiittarput, ataatsimiinneq naggaserlugu meeqqat inaanni ataatsimiittarneq iluatsilluortarpoq.
- Angajoqqaat amerliartorput sammisassanut aaqqissuisussatut akisussaaffimmik tiguserusuttut.
- Qaammatip qeqqani aallernermi kaffe/the sassaalliutaasassaaq, angajoqqaat isersimaarujornissannut periarfissaqarlutik.

### 3.3 Sulisut suleqatigiinnerat

- Inini ataatsimiinneq siumut ullulersuisarnissaq, inini akisussaasut ataatsimiittarnerat aallartisaqqinnissaa.
- Pingasunngornikut 20 min. aalanermik sammisaqartoqartassaaq
- Sulisut ataatsimiinerini qaammat allorlugu perorsaaniilerineq ingerlanneqartassaaq, taakkua saniatigut ukiumut marloriarlutik suleqatigiit ulloqartassapput.
- Naligiinnikkut, piginnaasat atorluarlugit, piumasaqaatit ersarissut akisussaaqatigiinnerlu sakkugalugit suleqatigiineq nukittorsarneqassaaq.

### 3.4 Ukiuni aggersuni suliniuteqarfissat

Soorlu ukua eqqarsaatigalugit:

- Malugissutsit ineriartortinniarlugit ineeqqamik pilersitsisoqarnissaa inaarsarneqassaaq.
- Inersuup assigiinngitsunik sammisaqarluni suliffiusinnaanngoqqinnissaa anguniarneqassaaq.
- Piorsarsimassutsikkut kinaassuserput nukittorsarlugu ineriartortitseqqittoqassaaq.
- Suleqatigiit peqqissuunissaat anguniarlugu sapaatip akunneranut ataasiarlutik 20min. Aalasalissapput.
- Qaammammut ataasiarluni angajoqqaanut aallernermi kaffe/The sassaalliutigineqartassaaq, angajoqqaanik suleqateqarneq nukittorsarniarlugu
- Tunngaviit aallaavigalugit sammisaqartitsinerit ingerlattaleqqissapput.
- Immikkoortortami init ammanerini sammisassanut pilersaaruserluartarnissaaq anguniarneqassaaq.
- Nateq golvvarme-nngornissaa anguniarneqassaaq, siunissami meeraaqqerivimmi init marluullutik 0-3-nngortinnissaat anguniarlugu.